



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 2. Confeßiones illo tempore factæ, quo quis ex ignorantia etiam
invincibili contra jus naturæ peccavit, tamquam sacrilegæ omnes
reîterandæ sunt.

urn:nbn:de:hbz:466:1-37059

§. 2.

CONFESIONES ILLO TEMPORE

facta, quo quis ex ignorantia etiam invincibili contra jus naturae peccavit, tamquam sacrilega omnes reitteranda sunt.

Hoc tam acre absynthium Macariano horto debemus, quamquam quid dico absynthium ? amara quidem absynthium herba est, sed tamen salutaris ; hoc verò Macarianum dogma amarulenti ita saporis est, ut ad animæ tamen salutem non faciat ; faciat ad desperationem, & ad Conscientiarum, ut sequenti §. reipsâ fiet manifestum, carnificinam.

Audiamus porrò ante omnia ipsa Macarii verba, ex quibus mellitum illum ac dulciculum flosculum legimus. Petet aliquis, inquit in Tyroc. pag. 374. & 375. num ergo quis debeat reitterare semper suas confessiones factas illo tempore, quo ex ignorantia contra jus naturae peccavit ? in nostra sententia quæstio habet majores difficultates, cum enim admittamus omnem ignorantiam juris naturæ esse vincibilem, consequens est, omnem etiam esse culpabilem. Iam autem docet communis Theologorum sententia sacrilegam, adeoque reitterandam esse Confessionem, quando in illa ex graviter culpabili ignorantia reticetur peccatum mortale;

ET INFELIX CONCORDIA. 225

mortale; ob hanc rationem VALDE PROBABLE EST, quod talis DEBEAT OMNES ILLAS CONFESIONES REITERARE. Tum ita addit; & hanc sententiam vidi defensam Lovanii in Hallis 1670. sub Exim. Domino ac Magistro nostro Gerardo van Werm. Et verò Eximius ille 24. Martii dicto anno 1670. id ipsum Thesi 2. manifestè afferuerat: nec pigebit ejus sententiam hic describere, cum illam Macarius faciat suam, dum ait, & hanc sententiam, quam nempe jam jam asse-rui, vidi defensam &c. ita autem habet: *ut quis ex ignorantia juris naturæ contra jus naturæ docendo peccet, requiritur, ignorantiam culpā personali esse contractam, quod non requiritur, ut quis ex ignorantia juris naturæ contra jus naturæ agendo peccet.* Quasi vero docere contra jus naturæ, non sit agere contra jus naturæ; sed id nunc non disputamus; & jam sæpè observatum est, novaturientis farinæ Doctores quām in alios severos, tam in se esse mites. Filum Theseos reputamus. *Quicumque ergo deprehendit, se aliquo tempore per ignorantiam juris naturæ (etiam sine culpa personali contractam) contra illud graviter deliquisse,* OMNES CONFESIONES SUAS, QUAS TEMPORE ILLO DURANTE FECIT, DEBET REITERARE. Nec talis sibi persuadeat, quod talia ignorantiae peccata per generalem Confessionem fuerint indirec-tè remissa. Néque per hoc, quod quis non sit confessus aliqua, quia ea peccata esse nescivit, excusatur à Confessione eorum, ubi ea mortalia esse rescivit, & CONSEQUENTER NON ETIAM A REPETENDIS CONFESIONIBUS ob affectum erga illa

Ff

intus

intus perseverantem inutiliter factis. Hæc est sententia D. Van Werm; hanc vidit Lovanii defensam Macarius; hanc in Tyrocinio facit suam; ut adeo ex verbis Magistri clariùs discipuli mentem liceat cognoscere.

At enim de ignorantia invincibili procedit hujus §. titulus, Macarius autem de vincibili agit; tum etiam absolute eas reüterandas esse titulus dicit, Macarius verò tantum *valdè esse probabile*, imo & contrariam sententiam probabilem esse pluribus sustinet; quin & illud addit; non esse reüterandas in eorum sententia, qui ignorantiam invincibilem à formalí peccato negant excusare, sic ut multiplicis calumniæ notam turpiter contraham, qui fabricatum in meo cerebro titulum pro Macariano dogmate venditare ausim. Et sanè potest hæc esse aliqua, nec in speciem absurdâ exprobratio; ego valdè probabile esse dico, tu, quasi asseveranter id dicerem, calumniosè me traducis; ego reüterandas eas Confessiones doceo, quia omnis ignorantia secundum me vincibilis, omnis est culpabilis; & ne dubium esse possit, quid in eorum sententia judicem, qui in ignorantia etiam invincibili formale peccatum agnoscunt, illud disertè addo, in eorum sententia Confessiones eas omnes repetendas non esse; quid clarus? tu tamen interim contraria mihi affinis omnia, & ad invincibilem nequiter ea extendis, quæ ad solam vincibilem cautè ego restrinxì. Audio, numquid præterea? nam quæ haec tenus quidem speciosè objiciebas, nihil solidi præter speciem habent. Tu vincibilem omnem

ais

ET INFELIX CONCORDIA. 227

ais ignorantiam , invincibilem dari in materia juris naturæ , & dari posse negas ; fictè id neges , an verè , mox viderimus , negas tamen , & socium habes Eximium Huygens , nec in probatione ab eo sejungeris , dum uterque hanc paradoxi vestri rationem datis ; omnem ignorantiam in materia juris naturæ esse vincibilem , quia omnis absolutè vinci potest , saltem per gratiam ; nisi quod tu addas pag. 354. vincibilem cā etiam dici ratione , quod superari , vinciique possit , consulendo doctiores & superiores : sed & illi doctiores , ut homines sunt , ita & ipsi ignorare possunt , & ut ipsi errare possunt in dando consilio , sic tu errare in sequendo potes ; cum hoc tamen discrimine , quod illis impunè , & sine ullo crimine contrà ipsum jus naturæ consilium dare liceat , tibi sine peccato id sequi non liceat ; atqui hoc non est ignorantiam superare consulendo doctiores , sed ex consilio doctiorum ipsum formale peccatum posse incurrere : hoc ergo cum Gummaro urge potius , omnem esse vincibilem , quia omnis absolutè vinci potest , saltem per gratiam ; sed si tibi constare vis , cādem pertinaciā in materia etiam juris positivi , & facti invincibilem dari , aut dari posse , nega , & pernega , ne tuo ipse gladio à nobis juguleris : obtinet enim hīc æquè , atque istic clava ista vestra herculea *omnis ignorantia* (etiam juris positivi & facti) *absolutè vinci potest* saltem per gratiam . Pergamus porro , non enim noster hæret hīc nodus : omnis ignorantia juris naturæ est *vincibilis* , ita tu dicas , & nos tantisper cogitemus , ergo qui omnem

F f 2

facis

facis *vincibilem*, dum de *vincibili* agis, *nullam* excludis, & revera de *omni* agis ; quod si de *omni*, etiam de illa, quam communius mecum Theologi *invincibilem* putant, & nominant ; ego ergo dum *invincibilem* ignorantiam dixi, eam dixi, non quam tu, qui *nullam* hujusmodi admittis, sed Theologi pas- sim *invincibilem* esse volunt, & tu *vincibilem* dicis, adeoque non excludis, dum iterandas esse confessiones contendis durante ignorantia *vincibili* factas, sed tuâ illâ *vincibili*, hoc est, quæ *invincibilem* aliorum in se etiam comprehendit sub nomine *vincibilitatis*, quia & illa *absolutè vinci potest*, saltem per *gratiam*, quod adversarii non negant, quoque adeò sensu *invincibilem* suam fateantur esse etiam *vincibilem*, & talem dici facilè patientur : nulla ergo calumnia si confes- siones omnes durante ignorantia factas, etiam eâ, quæ in scholis nomine *invincibilis* ignorantiae venit, iterari te velle jam inde ab initio Paragraphi dicebam.

Nec hic stabimus, ulterius tuis ipsius verbis convin- cendus venis : nam cujus hæc vox est ? *Cum vel non detur ignorantia invincibilis juris naturæ, uti probabilius putamus, vel, si detur: equidem non excusat a peccato formalí, &c.* Noli tuam Thesim erubescere Præses ; tua est, & inter eas conclusiones, quas anno 1672. 12. & 13. Julii sustinuisti, ordine vigesima. Neque pudeat, quod inconstantior sententiam mutaveris postea in Tyro- cinio pag. 353. ubi ita loqueris : *Secundum veriorem, & in ss. patribus fundatam sententiam nulla datur ignorantia juris*

juris naturæ, quæ sit invincibilis & inculpabilis, contraria
mentem huic assertioni sententiam saltem quoad primam partem
diu tenui, & bis in publicis Thesibus defendi: NULLAM
SCILICET IGNORANTIAM INVINCIBILEM JURIS NATURÆ
EXCUSARE A PECCATO, etiam supponendo dari talem in-
vincibilem. At quia hoc multis nimis durum videtur, tandem
assertionem hanc publicè defendi: licet valde probabilem ad-
huc judicem alteram sententiam, eamque non contempnendis
rationibus fulcire possem. Ne pudeat, inquam: veniam
facilem meretur inconstantia, quæ tam plausibilem præ-
fert rationem; mutasti sententiam, non quia verius, & in
SS. Pattibus fundatum magis erat aliud, sed quia hoc mul-
tis nimis durum videtur; nisi forte quia hoc multis nimis du-
rum videtur, exinde verior cœpit esse, & in SS. Patribus
fundata sententia contraria. At herculè quantò laudabilior
nobis fuisset Macarius (& esset Gummarus, &, ut alios
taceam, Gabriëlis) si & hanc, & alias in variis materiis
sententias felicius mutasset, & verius, nec deesse potuisset
honesta ratio, ubi non illud tantum obtineret, quod mul-
tis hoc & illud nimis durum videtur, sed quod & hoc,
& illud non uno fulmine Roma damnasset: dixi porro
felicius mutasset, & verius; nam non satis quidem sincerè
sententiam suam mutasse hic Maçarius videtur; qui enim
tam piis oculis dimissum à se dogma respectare pergit, ut
valde probabilem adhuc judicet & non contempnendis rationi-
bus fultum, nec aliam rationem prætexit, quam quod

Ff 3

hoc

230 TRIUM-VIRORUM VANA

hoc multis nimis durum videtur, an non is idem quidem sentire, sed aliter loqui, & verba tantum, non animum mutasse censendus est, verba repetitus eadem, si mutatae phraseos ratio cesseret, & hoc nimis durum multis videri desinat? imo, si profundius rimamur, id quidem fecit, ut, cum ante hæreret dubius, dareturnè, nec ne ignorantia invincibilis, & ita dubiè loqueretur: Cum vel non detur ignorantia invincibilis juris naturæ, uti probabilius putamus, vel si detur: equidem non excusat à peccato formali, &c. alterutrum postea determinans, nec dari eam, nec dari posse planè definierit, tantum tamen abest, ut illud etiam negaverit, quod hypotheticè anteà confidenter asseruerat, si detur, non excusaturam à peccato formali; ut etiam in Tyrocinio temperare sibi non possit, quin pag. 374. quod ante item pag. 353. fecisse eum vidimus, iterum exclamat valdè probabilem eam esse sententiam, quæ, & invincibilem admittit, & eam à culpa negat excusare; hoc tamen constanter sustinet, nihil inde ad difficilem illam tot Confessionum reiterationem sinistriùs posse concludi: & in hoc præcipuuſ rei nostræ cardo vertitur, id nitidè ut ostendatur, ignorantiam invincibilem, si non excusat à culpa formali, nec excusare ab illa ipsa Confessionum reiteratione. Id autem ut agam, dabo illum honorem Francisco Simonis, & Ulico Jonson, ut quod apud eos Consectarium reperi, eorum etiam verbis illustrèm, tantoque id agam libentiùs, quòd Macarium alter, alter

ET INFELIX CONCORDIA. 231

alter Gummarum presē impugnet, quorum scilicet hac in re affinis est, & communis sententia.

Ac primo quidem Franciscus Simonis hoc pag. 23. ponit, & probat consectarium, *is qui agendo contra legem naturae peccavit invincibiliter ignorans legem, justificari non potest eā ignorantia*: IMO SACRILEGIA ACCUMULAT, UTENS INTEREA SACRAMENTIS ECCLESIE.

Etenim manente eā ignorantia, fieri non potest, ut suscipiat eam animi dispositionem, quæ voluntatem peccandi excludat: nulla detestatio peccati excludet voluntatem id faciendi, quod omnino ignoratur esse peccatum; quæ res est manifesta.

Hinc sequitur NON SINE SACRILEGIO EUM UTI SACRAMENTIS; non enim excusat ignorantia: est namque ignorantia juris, aut certè ignorantiam juris naturae involvit. Non ignorat integrè confitendum esse, non etiam statum gratiæ esse necessarium, ut sumere liceat Eucharistiam, ignorat se non confiteri integrè; uti & non esse se in statu gratiæ: hæc facti ignorantia re ipsa ignorantiam juris includit. Ignorat scilicet, se non confiteri integrè, quia ignorat se peccasse contra legem naturæ: hoc verò ignorat, quia legem naturæ ignorat. Hæc juris naturæ ignorantia tollatur, & sciet se non confiteri integrè, seque non esse in gratia: non potest mereri excusationem ista facti ignorantia, nisi & mereatur ignorantia juris, quam includit.

Tum ita ad aliud Consecatarium procedit: *Is qui agendo contra*

contra legem naturæ peccavit olim invincibiliter ignorans legem; obligatur non solum confiteri peccatum illud, sed & iterare confessiones omnes, quas fecit in ea ignorantia, & confiteri sacrilegia toties commissa, quoties Sacramentis est usus. Etenim & irrita fuit omnis confessio & sacrilegus Sacramentorum usus, ut patuit. Vedit hoc omne genus Consecrarii Autor Theseos (D. Van Werm) cuius priorem partem supra dedi (& nos supra dedimus) quicumque ergo deprehendit se per ignorantiam juris naturæ graviter deliquisse, omnes confessiones suas, quas tempore illo durante fecit, debet reitterare.

Ades nunc huc Gummare, & mecum ea repete, quæ pag. 52. congerit Ulicus Jonson ad argumentum sextum; & si haec tenus refellere eum, vel, ut nos putamus, non potuisti, vel, ut tui nos volunt credere, dignatus non es; audire eum saltem ne pigeat; cæterum nescio an superbiusculi id animi non sit Scriptores ita alios passim despiceret, ut vix ulli respondere digneris; exspectat responsi aliquid Gerardus van Vianen, exspectat hic ipse Ulicus Jonson, exspectat jam dudum, & frustra, Eruditissimus D. Du Bois; vigila Gummare, & attende; vera, & germana caritas humilis est, & neminem despicit; ego certè quidlibet malum suspicari, etiam convictum te esse, quam superbum; nunc ad Ulicum.

Si actio, inquit pag. 52. legi naturæ contraria statuat hominem, qui legem illam invitus ignorat, verè coram Deo cri-

criminis reum, supplicioque obnoxium, homo ille justificari numquam potest ullo modo, saltem quamdiu ignorantia involuntaria (qualis sine dubio vestra est, quæ non alio sensu, ut vidimus, vincibilis est, quād quod absolutè vinci potest saltem per gratiam) perseverat: non per Sacramentum Baptismi, non per Sacramentum Pœnitentiæ, non etiam per Martyrium; nam nullo ex his medio justificari potest sine contritione, juxta illud Tridentini Seß. 14. c. 4. fuit autem quovis tempore ad impetrandam veniam peccatorum hic contritionis motus necessarius. Contritio porro debet involvere propositum non peccandi de cætero, debetque excludere voluntatem peccandi; atqui ejusmodi contritionis motum elicere numquam potest homo, de quo agimus: nam quamcumque contritionem illum cogitaveris eliciisse, cum illa poterit stare voluntas peccandi, sive ponendi illam actionem, quam invitus ignorat legi esse contrariam: imo si ex ignorantia involuntaria (& ita invincibili, ut absolutè tamen possit vinci, saltem per gratiam) certo mihi persuadeam, fornicationem V. G. in certis quibusdam circumstantiis lege caritatis mihi esse præceptam, omnis mea contritio necessariò tacite involvet voluntatem in istis circumstantiis fornicandi, adeoque peccandi; tantum aberit, ut voluntatem peccandi excludat. Hinc est,

Consectarium primum: Confessiones omnes istius hominis sunt irritæ: nam caruit contritione verâ, cuius defectu confessio est irrita.

Consectarium secundum: Confessiones omnes sunt iteranda: nam confessio irrita est iteranda.

Gg

Hæc

Hæc in unum quidem Gummarum Ulicus , at non unum Gummarum ferit , ferit & Macarium : facit enim consentiens utriusque inter se doctrina , ut , quod ex alterutra consequitur , ex utraque consequatur . Uterque *omnem* ignorantiam , etiam eam , quam cæteri passim auctores *invincibilem* vocant , *vincibilem* dicit . Uterque hanc eandem rationem adfert , quia *omnis* , atque adeo famosa illa etiam *invincibilis* , vinci absolute potest , saltem per gratiam . Atque ita pari hactenus passu uterque procedit ; prævolat dein Macarius , & , quod ex Gummari sententia deducit alius , ipse in sua sententia admittit consectarium ; & valde probabile esse ipsemet contendit , omnes confessiones esse reiterandas , quæ durante ignorantia *vincibili* juris naturæ fuerint peractæ ; sic tamen ut per *vincibilem* non excludat Adversariorum *invincibilem* , utpote , ipsis etiam patentibus Adversariis absolute , *vincibilem* , saltem per gratiam . Jam vero cum is Theologus *valde probabile* esse dicat , qui probabilitatis hostis acerrimus , in suscipiendis præsertim , & administrandis Sacramentis , nihil , nisi quod certum est , aut saltem , ubi omnia probabilia , id solum quod tutius est , ad praxim admittit ; potuit absolute dici in titulo , quod *valde probabile* Macarius dixerat & manifestè tutius est : atque ita hanc quoque calumniæ speciem abstergimus , & hujus paragraphi titulum planè facimus Macarianum .

§. 3.